

DONOSTIAR PINTATZALLE BAT



¿Zeñek ezdu ezautzen
Ignazio Ugarte?
 ez egon, ez pentsatzen
 inork esan arte;
 langillea, chukuna,
 gizon artekua,
 da dena euskalduna,
 ta argitu nairikan
 gauza on guztiya,
 goizian goizetikan
 naiz lurra bustiya
 izan, artzendu zapi
 laukitu zuriya,
 jartzendu alki bat, ta
 bertan isiririk,
 zapira pasa oidu
 gustoz an asirik
 ikusten duben dana
 aiñ ondo ta garbi,
 naiko lan topatzia
 orlako beste bi.

Orren laukiyak nonai
 daude gustatubak
 zergatikan fedear
 dauden bukatukak
 kolorez fiñ, t'aiñ ondo
 an ateratubak
 arki dira, zeru, lur
 eta ingurubak,
 non begira dagonai
 iruritzen zayon
 ziñez paraje artan
 bertan ote dagon.
 Izanikan lan ori
 ikasten gaistua
 gogor ekiñik eta
 arturik gogua
 ikasi zuben; oraiñ
 guztiz aditua
 du *Ignazio Ugarte*
Beraziertua.

JOSÉ MARINO ARRIETA-K.

